

SAMÞYKKT

um breytingu á samþykkt um stjórn Akureyrarkaupstaðar og fundarsköp bæjarstjórnar, nr. 895/2003.

1. gr.

59. gr. samþykktarinnar verður svohljóðandi:

Bæjarstjórn kýs í eftirtaldar nefndir, ráð og stjórnir. Bæjarstjórn kýs formenn og varaformenn nefnda skv. A- og B-lið:

A. **Til eins árs.** Á fundi í júní ár hvert.

1. *Bæjarráð.* Fimm aðalfulltrúar í bæjarstjórn og fimm til vara skv. 38. gr. sveitarstjórnarlaga nr. 45/1998.

B. **Til fjögurra ára.** Á fyrsta eða öðrum fundi að loknum bæjarstjórnarkosningum skulu eftirtaldar nefndir kosnar:

1. *Félagsmálaráð.* Fimm aðalmenn og fimm til vara skv. 5. gr. laga um félagsþjónustu sveitarfélaga nr. 40/1991. Jafnframt fer félagsmálaráð með stjórn málefna aldraðra. Þá sér ráðið auk þess um framkvæmd laga um húsnæðismál nr. 44/1998, önnur en fjárhagsmál sem heyra undir bæjarráð.

2. *Fjölskylduráð.* Fimm aðalmenn og fimm til vara. Nefndin fer með framkvæmd laga um jafna stöðu og jafnan rétt kvenna og karla nr. 96/2000, en að auki sér nefndin um framkvæmd fjölskyldustefnu Akureyrarkaupstaðar, vinnu að forvörnum og er bæjarstjórn til ráðuneytis um áfengis- og vímuvarnamál. Nefndin fer einnig með tómstundamál.

3. *Framkvæmdaráð.* Fimm aðalmenn og fimm til vara. Nefndin fer með stjórn Fasteigna Akureyrarkaupstaðar, málefni Slökkviliðs Akureyrar og Strætisvagna Akureyrar og málefni laga um búfjárhald o.fl. nr. 103/2002.

4. *Íþróttaráð.* Fimm aðalmenn og fimm til vara. Nefndin fer með málefni íþróttar og hollrar hreyfingar. Þá fer nefndin með málefni íþróttamannvirkja.

5. *Skipulagsnefnd.* Fimm aðalmenn og fimm til vara. Skipulagsnefnd annast störf þau er skipulags- og byggingarnefnd er falið skv. 6. gr. skipulags- og byggingarlaga nr. 73/1997.

6. *Skólanefnd.* Fimm aðalmenn og fimm til vara skv. 13. gr. laga um grunnskóla nr. 66/1995. Auk þess fer nefndin með málefni leikskóla samkvæmt lögum um leikskóla nr. 78/1994 og tónlistarskóla samkvæmt lögum um fjárhagslegan stuðning við tónlistarskóla nr. 75/1985.

7. *Stjórn Akureyrarstofu.* Fimm aðalmenn og fimm til vara. Nefndin fer með menningarmál, atvinnumál og málefni ferðaþjónustu ásamt kynningu og markaðssetningu bæjarfélagsins. Þá fer nefndin með störf stjórnar almenningsbókasafna samkvæmt lögum um almenningsbókasöfn nr. 36/1997.

8. *Stjórnsýslunefnd.* Fimm bæjarfulltrúar og fimm til vara. Nefndin fer með málefni stjórnsýslu og innra stjórnskipulag Akureyrarkaupstaðar. Þá fer nefndin með málefni íbúalýðræðis, hverfisnefnda og neytendaráðs.

9. *Umhverfisnefnd.* Fimm aðalmenn og fimm til vara. Nefndin fer með umhverfismál, náttúruvernd og sorpmál. Þá fer nefndin með málefni Staðardagskrár 21.

10. *Kjörstjórn.* Þrjú aðalmenn og þrjú til vara. Kjörstjórn fer með verkefni kjörstjórnar við alþingiskosningar skv. 15. gr. laga um kosningar til Alþingis nr. 24/2000 og yfirkjörstjórnar við sveitarstjórnarkosningar skv. 14. gr. laga um kosningar til sveitarstjórna nr. 5/1998.

11. *Skoðunarmenn.* Tveir aðalmenn og tveir til vara, sbr. 69. gr. sveitarstjórnarlaga.

C. Tilnefningar þingfulltrúa hjá samtökum sveitarfélaga og í stjórnir:

1. *Almannavarnanefnd Eyjafjarðar*. Þrír aðalmenn og einn til vara. Fulltrúar Akureyrar eru bæjarstjóri, bæjarverkfræðingur og slökkviliðsstjóri samkvæmt samkomulagi um skipan nefndarinnar frá 22. mars 1996, sbr. 8. gr. laga um almannavarnir nr. 94/1962 og auglýsingu um samstarf um almannavarnanefndir frá 5. febrúar 1996. Til vara fyrir bæjarstjóra er staðgengill hans.
 2. *Stjórn Atvinnuþróunarfélags Eyjafjarðar*. Þrír aðalmenn og einn til vara, sbr. samþykkt stofnfundar frá 15. nóvember 1998 og stofnsamning Atvinnuþróunarfélags Eyjafjarðar bs. Þessir stjórnarmenn skulu kosnir árlega fyrir aðalfund Atvinnuþróunarfélagsins.
 3. *Barnaverndarnefnd Eyjafjarðar*. Fjórir aðalmenn og fjórir til vara samkvæmt grein 2.1 í samningi um stofnun á sameiginlegri barnaverndarnefnd frá 24. nóvember 1999.
 4. *Fulltrúaráð Brunabótafélags Íslands*. Einn aðalmaður og annar til vara skv. 9. gr. laga um eignarhaldsfélagið Brunabótafélag Íslands nr. 68/1994.
 5. *Stjórn Hafnasamlags Norðurlands*. Fimm aðalmenn og fimm til vara, sbr. stofnsamning frá 28. desember 1996.
 6. *Heilbrigðisnefnd Norðurlands eystra*. Tveir aðalmenn og tveir til vara skv. 11. gr. laga um hollustuhætti og mengunarvarnir nr. 7/1998.
 7. *Héraðsnefnd Eyjafjarðar*. Sex aðalmenn og sex til vara, sbr. samþykkt héraðsnefndar Eyjafjarðar frá 8. desember 1998.
 8. *Stjórn Landsvirkjunar*. Bæjarstjórn kýs einn fulltrúa og annan til vara skv. 8. gr. laga um Landsvirkjun nr. 42/1983.
 9. *Landsþing Sambands íslenskra sveitarfélaga*. Fimm þingfulltrúar og fimm til vara skv. 7. gr. laga Sambands íslenskra sveitarfélaga.
 10. *Eyþing, samtök sveitarfélaga í Eyjafirði og Þingeyjarsýslum*. Sjö aðalmenn og sjö til vara, sbr. samþykkt aðalfundar Eyþings frá 6. júní 1996.
 11. *Samstarfsnefnd um ferlimál fatlaðra*. Einn aðalmaður og einn til vara samkvæmt lögum um málefni fatlaðra nr. 59/1992 og samþykkt frá 2. febrúar 1988.
 12. *Skólanefndir Menntaskólans á Akureyri og Verkmennaskólans á Akureyri*. Bæjarstjórn tilnefnir einn fulltrúa og annan til vara í hvora nefnd til héraðsnefndar sem kýs í nefndirnar skv. 6. gr. laga um framhaldsskóla nr. 80/1996.
 13. *Stjórn Lífeyrissjóðs starfsmanna Akureyrarkaupstaðar*. Tveir aðalmenn úr hópi bæjarfulltrúa og tveir til vara. Jafnframt eiga sæti í stjórninni tveir fulltrúar Kjalar og tveir til vara og bæjarstjóri sem er formaður, sbr. 4. gr. reglugerðar fyrir Lífeyrissjóð starfsmanna Akureyrarkaupstaðar frá 1. febrúar 1994, ásamt breytingum frá 18. apríl 1996.
- D. Aðrar nefndir sem stofnaðar verða.

Samþykkt þessi, sem bæjarstjórn Akureyrarkaupstaðar hefur sett samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast gildi við birtingu.

Félagsmálaráðuneytinu, 4. júlí 2006.

F. h. r.
Guðjón Bragason.

Þorgerður Benediktsdóttir.